



KEMENTERIAN PENGAJIAN TINGGI

KENYATAAN MEDIA

PELANTIKAN NAIB CANSOLOR UNIVERSITI SAINS ISLAM MALAYSIA

Sukacita dimaklumkan bahawa YBrs. Prof. Ts. Dr. Sharifudin Md. Shaarani, 51 tahun, dilantik sebagai Naib Canselor Universiti Sains Islam Malaysia (USIM) yang baharu, berkuat kuasa mulai 1 Julai 2022.

Beliau berkelulusan Ijazah Sarjana Muda Sains dalam bidang Makanan dengan Pengurusan Perniagaan dari Universiti Kebangsaan Malaysia dan Ijazah Sarjana dalam bidang Teknologi Makanan dari *University of Reading, United Kingdom* sebelum melanjutkan pengajian ke peringkat Ijazah Kedoktoran dalam bidang *Medicinal Chemistry* dari *University of Cambridge, United Kingdom*.

YBrs. Prof. Ts. Dr. Sharifudin Md. Shaarani pernah menjawat jawatan sebagai Dekan, Fakulti Sains Makanan dan Pemakanan di Universiti Malaysia Sabah (UMS) selama sembilan (9) tahun dan Pengarah Pusat Pengurusan Penyelidikan dan Inovasi USIM sebelum dilantik sebagai Timbalan Naib Canselor (Penyelidikan dan Inovasi) USIM pada 16 Februari 2022 yang lalu.

Beliau telah turut diberi kepercayaan untuk menjalankan fungsi sebagai Naib Canselor USIM berkuat kuasa mulai 10 Mei 2022. YBrs. Prof. Ts. Dr. Sharifudin Md. Shaarani juga mempunyai wibawa keserjanaan yang dihormati rakan akademik dan Kementerian yakin beliau mampu meneraju USIM sebagai salah sebuah universiti pilihan serta seterusnya melonjakkan kecemerlangan akademik negara secara keseluruhan.

Kementerian turut mengambil kesempatan ini untuk merakamkan setinggi-tinggi penghargaan dan terima kasih kepada YBhg. Dato' Prof. Dr. Mohamed Ridza bin Wahiddin atas jasa bakti beliau meneraju USIM sebelum ini.

DR. NORAINI AHMAD
Menteri Pengajian Tinggi

2 Julai 2022